

Bao vigilancia pisa el a presenta dilanti Jueznan

Triana: Mi ta inocente

Aruba a conoce caso unico den Corte



ORANJESTAD(AAN) -- Manera DIARIO a publica ayera Alvaro Rodriguez Triana mester a presenta dilanti Corte di Justicia pa asina e Jueznan por conseha Gobernador encuanto e extradicion di e persona aki.

E vecindario di e edificio di Corte a worde completamente cera pa bricada y ariba e edificio por a nota diferente puestonan caminda militarnan bon arma ta vigila.

Tanto Dominicus College como Mater Dei Houshoud school tabata cera. Autoridad a haci uso di Mater Dei Houshoud school pa vigilancia di e edificio di Corte.

Tur e miembronan di prensa mester a presenta cu un identificacion pa asina por yega na e edificio caminda miembronan di Recherche ta haci investigacion na nan curpa. E control na e edificio tabata hopi severo.

Tabata mas o menos 6'or di mainta ora cu e detenido Alvaro Rodriguez Triana a worde hiba na e edificio mientras cu for di 4.30 or di mainta militarnan tabata na e sitio.

E defensornan di Triana tabata abogado Moenir Alam hunto cu su yiu muher y mr. Swaen.

Roemers y mr. Lafleur, kenanan a haci posible cu prensa por a atende e caso aki, cual mester a worde trata cu portanan cera.

E tres Jueznan aki tambe tabata esnan cu a atende e caso hunto cu Procurador General mr. Wernet.

Mr. Wernet a duna di conoce cu dia 25 di Mei 1988, Estados Unidos a manda un peticion pa extradicion di e detenido Triana y a pidi e tres Jueznan haci nan interrogacion pa despues duna Gobernador un conseho pa cu e extradicion.

Ariba pregunta di presidente di Corte di Justicia mr. van der Griendt, Triana a contesta cu e no ta culpable di e cargonan den su contra. Dicho Juez a puntra si ta Triana tabata e persona cu ta worde busca na Estados Unidos. E detenido a contesta cu no y cu su nomber ta Alvaro Triana Morillo.

El a admiti di tabata na Estados Unidos y cu e ta corda cu esaki lo tabata na 1981 caminda el a keda pa 6 luna. El a keda na Miami y a bay busca repuesto pa auto y machine. Tambe el a agrega cu na 1968 of 1969 el a bay New York pa studia pero

no a haya visa y mester a regresa su pais, esta Colombia. Triana a sigui bisa cu na final di 1981 e no tabata na Miami pasobra entre Augustus y September e mester ta presenta ora ta cosecha cofi na su finca.

Triana a sigui bisa cu na 1984 el a bolbe regresa Estados Unidos pa mas o menos 3 luna, atrobe pa busca repuesto di auto y machine.

E miembro di SVM, Sambo, tabata tin un maleta den cual e tabata tin tur e documentonan cu a worde haya hunto cu Triana.

Mr. van der Griendt a pidi Sambo trece e licencia y diferente otro documento y el a nota cu e licencia a worde traha dia 19 di Maart 1982.

Juez a puntra Triana con e por splica cu e no tabata na Miami na 1982 y cu el a haya su licencia di conduci. Triana a bisa cu el a equivocá di aña y cu ta na 1982 cu el a bay na Miami.

El a desmenti cu e ta envolvi den negoshi di droga y tambe el a desmenti cu el a cumpra un tereno na Miami.

Juez mr. Roemers a muestra Triana 4 documento ariba cual ta aparece un foto di e detenido pero cada un ta diferente. E pregunta a worde haci pakico e fotonan ta diferente. Triana a bisa cu esey ta debi cu e tabata tin diferente edad y cu tur e fotonan ta parece otro. E motibo cu e tin asina hopi identificacion el a bisa cu cada un ta pa algo otro.

Mr. Lafleur a puntra dicon e ta bisa cu su apellido ta Morillo y cu ariba e documentonan procedente di Miami esaki ta Triana. El a splica cu Triana ta apellido di su tata y cu Morillo ta di su mama y cu na Colombia ambos apellido ta worde usa mientras cu otro paisnan no.

Mr. Lafleur a puntra si no ta berdad cu dia 26 di October 1973 el a worde deteni na Madrid cu 500 gram di cocaina. Triana a desmenti esaki y a bisa cu aña pasa el a bishita pa prome vez Europa y cu verivica esaki ariba su pasaporte.

El a remarca cu si tabata asina

Segui lesa pag. 4

DIARIO ta gradici Jueznan mr. van der Griendt, mr.

Unda palabra faya musica ta papia

a wor 185



Un regalo cu ta papia pa su mes

Walkman

Radio Cassette 99.90

Compact Discs - Top 40

v.a. 39.99

Dust Cover for Video Recorders 27.95

Pocket Camera with Flash Fl. 39.90

4 - in - One Double Cassette, FM/AM, Turntable & Speakers 495.-

5.25" Computer Diskettes DSDD 10 for 29.99

cosmos

ELECTRONICS

Havenstraat 14 - Tel. 26955

(pa riba di Kong-Hing)

Shop Locally
it makes more cents!

SHOP IN SAN NICOLAS AND WIN
EVERY MONTH 5 GIFT-CERTIFICATES

EACH OF £100,- FROM

SAN NICOLAS BUSINESS ASS.

PARTICIPATING STORES:

DOWCO

BATA N.V.

ARUBA POST

BOTICA SAN LUCAS

LEON BATTERY FACT.

WHITE STAR GROCERY

THE AMERICAN STORE

ANTILLIAANSE HANDELMIJ.

B.J. ARENDS - HARDWARE C.



WEMA

WIMCO

TEXAS

ACME STORE

VAN DORP N.V.

FAR-KON GROCERY

BERTHA'S FLOWERSHOP

ANT. MERCANTILE CORP.

B.J. ARENDS - HOME CEN.

Remember, money spent locally creates
prosperity for SAN NICOLAS!

MAY WINNERS:

ANGELE HOLSMAN

- Pos Abao 34 A

- B.J. ARENDS-Home Cen.

ANA DIAZ

- Mauritsstraat 30

- W.I.M.C.O.

EDGARD MONTSANTO

- G.M. Bruynewijk 34

- VAN DORP N.V.

ALBERTA LAMOUTH

- Weg Fontein 86

- DOWCO.

IONA LARD-CONNOR

- Rooi Congo 27A

- W.E.M.A.

Winners are requested to collect prizes at WEMA.

Triana

Cont. di pag. 2

cu el a worde deteni na Madrid, tanto e autoridad Europeo lo no a lage drenta y cu si tabata asina e lo no a bay na e pais.

El a desmenti cu el a bishita Hulanda y cu e tabata tin contacto cu hende na dicho pais. Juez mr. van der Griendt a muestra Triana un carta y el a bisa cu e persona aki ta un amigo di su amigo.

Procurador General tambe a haci pregunta encuanto e estadia di Triana na Estados Unidos. Segun mr. Wernet durante un interrogacion Triana a duna di conoce cu na fin di 1982 y Mei di 1983 e no tabata na Estados Unidos. Triana a confirma e declaracion aki.

Segun mr. Wernet, Corte di Justicia su trabao ta pa mira si tin diferente punto pa e extradicion pa Merca pa asina duna Gobernador un conseho ariba esaki. Triana a admiti cu na 1981 e tabata na Merca y cu no na 1982. Despues cu a mustre su licencia di conduci el a bisa cu el a bruha cu ta na 1982 e tabata na Merca.

Mr. Wernet a sigui bisa cu e peticion di Merca pa extradicion tabata na tempo y cu e caso aki ta relaciona cu importacion y entrega di cocaina.

Tin diferente documentonan y fotonan cu ta indica cu ta trata aki di e persona cu Merca ta busca y tin suficiente motibo pa honra e peticion y a pidi pa laga e documentonan confisca worde entrega na Merca.

Triana a yama un di su abogadonan y a bisa cu mr. Wernet a punte cu si e tabata na fin di 1982 y Mei 1983 na Merca. Na Maart 1982 e tabata na Merca pero esey no ta significa cu e tabata na fin di 1982.

E yiu muher di abogado mr. Moenir Alam a bisa cu e

peticion na a worde manda pa Aruba sino pa Hulanda. Dia 25 di Mei 1988 e peticion pa extradicion di Triana a worde manda pa reino Hulandes y esey segun e abogado no ta corecto.

E peticion mester bay via camindanan diplomatico cual no tabata e caso ya cu no tin prueba di esaki.

E acusacion contra Triana ta papia di un periodo demasiado largo, cual segun abogado no por ta posible.

E otro abogado mr. Swaen entre otro a den e documentonan ta aparece un declaracion di DEA cu tin declaracion di un persona anonimo kende a menciona number di Triana.

Segun mr. Swaen a drenta un lote di droga y awor ta trata di relaciona esaki cu Triana.

Mr. Swaen a enfatisa cu den nos sistema judicial no conoce un citacion cu un testigo y pa colmo esaki ta anonimo. Loke a worde manda for di Merca como prueba no por worde usa pa extradicion di Triana.

E abogado mr. Moenir Alam a duna di conoce cu ta debi na e hecho cu Triana ta un Colombiano no ta relacione cu caso di droga. E tin duda cu Triana den involvi den caso di droga.

Triana a bisa cu el a bin Aruba pa pasa su luna di miel y a worde encarcela. Tur su papelnan ta na orden y cu su muher ta warde na Colombia. E ta kere cu sabiduria di Dios lo prevalece den e caso aki.

Juez mr. van der Griendt a duna di conoce cu mas pronto cu ta posible nan lo duna Gobernador un conseho y cu esaki lo no worde duna na prensa pero si lo pone Triana al tanto di esaki.



Na prison vigilancia especial tabata tin promer cu Triana a bay Corte.....



Polis na Irausquinplein....



Polis ta splica cu no por pasa....



Un auto di Polis a haya su mes involvi den un accidente. E resultado por mira ariba e portret

ORANJESTAD(AAN)—Bisti na bachi blauw y dashi cora, cu su wowonan scondi tras di un bril di solo, for di mainta tempran, Triana tabata na edificio di Corte.

For di 6 or e tabata sinta ariba un banki ta warda e momento cu e caso a cuminza. Nan a dune cofi pa bebe, mientras e tabata spera aparentemente sin ningun nervio.



Prison den estado di alerta sperando salida di Triana...



Ariba dak di e edificio di Corte tabata tin militar cla pa actua.....



Di distancia publico tabata sigui loke tabata pasa na Corte....



Trafico no por a sigui na altura di edificio di Corte.....



Triana den edificio di Corte....



Cada skina tabata worde bon vigila na tera y na alto...



Miembro di Cuerpo di Polis cla pa dreña den accion.....



Militarnan ariba dak di edificio di Corte.....



Abogadonan Swaen y Moenir Alam a yega Corte....

